

Comision anterior tabata tin plan PARTI DI SMITH BLVD. LO BIRA JUAN ENRIQUE IRAUSQUIN BLVD.

ORANJESTAD (AAN) Di
un bon fuente DIARIO a ser

informa cu tabata intencion di e Comision Number di Caya "Straatnamencommissie" pa cambia Lloyd G. Smith Boulevard pa Juan Enrique Irausquin Boulevard, pero e recomendacion aki no a yega cerca e ministro di Asuntonan General y como tal no por a haci e cambio.

E fuente a bisa cu e comision anterior a traha riba un plan pa e cambionan di cierto parti di Boulevard bira Juan Enrique Irausquin, pero e no ta na altura cu e recomendacion aki a ser manda pa e Ministro.

Intencion tabata pa haci e caminda cu ta baha parti pabao/noord, esta cuminzamento di Divi Divi Hotel pa dune number di Juan Enrique Boulevard y e otro banda lo keda Lloyd G. Smith Boulevard.

Juan Enrique Irausquin q.e.p.d. tabata fundador y lider di P.P.A. y alavez pionero di Aruba su industria turistico. Juancho Irausquin manera pueblo ta yame a percura pa construi e boulevard cu a haya e number di Lloyd G. Smith Boulevard. Awe nos por mira cuanto hotel, restaurant, nightclub, y negoshi a ser construi riba boulevard.

Si e comision actual lo bay traha riba plan aki y presenta un recomendacion na gobierno ta algo di aprecia, pero no mester lubida riba e dos politiconan q.e.p.d. Sr. Henny y su jiu Shon A Eman cu tambe merece un caya nan number.